



9/2024

KEMENTERIAN PEMBANGUNAN
USAHAWAN DAN KOPERASI

SIARAN MEDIA PROGRAM JUALAN MADANI RAYA KUSKOP 2024

PUTRAJAYA, 27 Mac 2024 – Kementerian Pembangunan Usahawan dan Koperasi (KUSKOP) menyasarkan RM1.6 juta nilai jualan sepanjang penganjuran Program Jualan MADANI Raya (PJMR) KUSKOP 2024. Program yang dianjurkan bermula 8 Mac sehingga 9 April 2024 ini turut menjangkakan seramai 300,000 kehadiran pengunjung yang berlangsung sempena Festival Ramadan Putrajaya 2024 bertempat di Dataran Anjung Syawal, Presint 3, Putrajaya bermula 8 Mac 2024 hingga 9 April 2024.

Bagi menyelami denyut nadi rakyat yang terkesan dengan peningkatan kos sara hidup, PJMR 2024 ini menyediakan 60 reruai jualan melalui penyertaan 28 usahawan (42 reruai) dan 13 koperasi (18 reruai) dengan pelbagai tawaran menarik barangan keperluan persiapan Aidilfitri dan keperluan harian pada kadar harga diskaun sehingga 20% kepada pengunjung sekali gus membantu meringankan bebanan rakyat.

Selain itu, bagi menyokong perniagaan usahawan dan koperasi, sesi *walkabout* pihak pengurusan KUSKOP ke tapak jualan telah diadakan pada 27 Mac 2024 (Rabu) jam 9.00 malam dengan kehadiran YB Datuk Ewon Benedick, Menteri Pembangunan Usahawan dan Koperasi dan YB Dato' Ramanan Ramakrishnan, Timbalan Menteri Pembangunan Usahawan dan Koperasi bersama Pengurusan Tertinggi KUSKOP serta ketua-ketua Agensi di bawah KUSKOP. Antara pengisian menarik semasa *sesi walkabout* tersebut ialah pelancaran sesi *happy hour* dengan tawaran diskaun harga barangan sehingga 30% dan penyampaian hadiah cabutan bertuah berupa peralatan elektrik dan hamper sumbangan agensi-agensi di bawah KUSKOP.

KUSKOP yakin program seumpama ini berupaya meringankan kos persiapan rakyat bagi menyambut Aidilfitri yang bakal menjelang tiba. Para pengunjung juga dapat menikmati penjimatan harga barangan persiapan Aidilfitri selain daripada memperkasa dan mempromosikan perniagaan usahawan dan koperasi.

Pelaksanaan PJMR KUSKOP 2024 ini diharapkan dapat merencanakan aktiviti keusahawanan dan koperasi selaras dengan kerangka Malaysia MADANI di bawah nilai “kesejahteraan” yang membawa elemen terangkum dan keseimbangan hidup masyarakat bagi menuju sebuah negara bangsa yang maju dan sejahtera.

KEMENTERIAN PEMBANGUNAN USAHAWAN DAN KOPERASI

Pertanyaan Media:

Encik Rozer bin Masudin
Unit Komunikasi Korporat
Kementerian Pembangunan Usahawan dan Koperasi
No. Tel: 012-242 5481 E-mel: ukk@kuskop.gov.my